

793 esto prece salutis^a cunctis te audientibus. Sit tuus comitatus honestus^b moribus, post Iun. 8. aliis exemplum ad vitam non ad perditionem. Sint tibi epule non in ebrietate, sed in sobrietate. Sint vestimenta tuo gradui condigna. Noli te conformari seculi hominibus in vanitate aliqua. Inanis ornatus vestimentorum et cultus inutilis tibi est obprobrium ante homines et peccatum ante Deum. Melius est animam in perpetuum 5 permanentem bonis ornare moribus, quam corpus cito in pulvere^c putrescens^d exquisitis comere vestibus. Vestiatur^e et satietur Christus in paupere, ut hec faciens regnes^f cum Christo. Redemptio viri proprie divitiae. Si aurum diligamus, premittamus nobis in caelum, ubi servabitur nobis. Et quod amamus^g, habemus. Amemus eterna et non peritura. Veras diligamus divitias et non caducas, sempiternas et non transitorias. 10 Paremus nobis laudem a Deo et non ab hominibus. Faciamus^h quod fecerunt sancti, quos laudamus. Sequamur illorum vestigia in terris, ut illorum glorie consortes esse mereamur in celis.

Divine pietatis protectio vos ab omni adversitate custodiat et in celestis regni gloria cum patribus vestris constituat, karissimi fratres. Cumⁱ dominus^k noster rex 15 Karolus¹, hostibus per Dei misericordiam subditis, domum revertetur, nos Deo iuvante ad eum¹ venire disponimus. Et si quid tunc vel de pueris, qui in captivitatem a paganis abducti^m sunt², vel de aliis quibusque necessitatibus vestris vestre sanctitati proficere possumusⁿ, diligenter ad affectum perducere curabimus.

Valete in Christo dilectissimi et confirmamini semper proficientes.

20

21.

Alcvinus Hygaldum episcopum Lindisfarnensem eiusque monachos iterum consolatur.

793 post Iun. 8.

Codd. A 1 fol. 60--61', A 1 p. 66--67 n. 45^a.*

Ed. J 25.

VENERANDO PATRI HYGBALDO EPISCOPO ET SANCTISSIMIS FRATRIBUS PATRIS NOSTRI 25 CUÐBERHTI HUMILIS LEVITA ALCVINUS IN CHRISTO SALUTEM.

Memor dilectionis vestrae, qua me semper familiari suscepistis karitate, saepius ammonere vos curans^b, karissimi fratres, de maximo pietatis dono, id est orationum nostrarum communione, in qua me suscipere dignati estis. Quapropter semper de vestra prosperitate gaudeo et salute; quam vos, Deo miserante, habere confido per 30 intercessionem sanctissimi patris nostri domni^c CuÐberhti, si in illius piissimis in Christo praeceptis et statutis vitae regularis permanere vultis.

Ideo suadeo sanctitati vestrae, ut diligentissime regularem vitam a sanctis patribus vestrae congregationi statutam, custodire studeatis, in omni obedientia castitate et karitate; Deum magis timentes quam secularibus inherentes pompis, quae multum 35 nocent religionis vestrae proposito. Dum a pompis feminas prohibere curavit, de^d

^a) salutis S 1. ^b) honestis S 1. ^c) pulverem A. ^d) putrescentem S 1. ^e) vestiatur A, S 1.
^f) regnet S 1. ^g) amemus S 1. ^h) faciemus S 1. ⁱ) cum — perducere curabimus om. S 1.
^k) dominus Will., A 1*. ¹) illum A 1*. ^m) ducti Will.; deducti corr. in abducti A 1*. ⁿ) poterimus Will.

21. ^a) Lemma: Alia epistola ad Higealdum episcopum A. ^b) sic. ^c) Dñi superscrip- 40
tum est in A 1*. ^d) de corr. m. rec. in et A 1; et A 1*.

1) qui in Bavaria commorans Pannoniam iterum petere disposuerat. V. Annales Einhardo attributos ad 793. J. 2) Cf. Simeon Hist. Dunelm. eccl. l. II c. 5 (p. 51): Quosdam e fratribus interficiunt, nonnullos secum vinctos assumunt, plurimos opprobriis vexatos nudos proiciunt, aliquos in mare demergunt.